



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CXXV. Markgraf Johann dechargirt Heine Pfuhl wegen der über die Haushaltungen zu Spandow, Oberberg, Berlin, Trebbin und Saarmund abgelegten Rechnung, am 2. Januar 1433.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

CXXIV. Markgraf Johann verleiht das halbe Oberförster-Amt (Heidereiter-Amt) über die Holzungen bei Spandow an Michael Seidenbach, am 11. März 1431.

Wir Johans, von gots gnaden Marggraue zu Brandenburg etc., Bekennen offentlich mit dissem briefe fur vns, vnser erben vnd allermeniglich, das wir von getrewer dinste vnd auch von befunder gnade wegen Dem erfamen vnsern lieben diener vnd getrewen Michel Seidenbach sein lehtag, die weil er lebt vnd nicht lenger, das halb heidenreiter ampt uber vnser geholez vmb Spandaw gelegen gelihen haben vnd leihen jme das in crafft dits briefs, Also das er vnser heiden vnd geholeze nach seinem besten vermugen getrewlichen vorsten, das ampt, die weil er lebt, von vnsern wegen jnn haben vnd des nach guter alter gewonheit, als bis her getrowlichen gewesen ist, gebrauchen sol sein lehtag vnd nicht lenger ongeuerd. Zu urkund geben wir jme disen briefe, mit vnserm anhangenden Insigel uersigelt, Geben Spandaw, am Suntag letare in der vasten, Anno domini M^o CCCC^o XXXI^o.

Aus dem Copialbuche des Markgrafen Johann.

CXXV. Markgraf Johann discharge seine Pfuhl wegen der über die Haushaltungen zu Spandow, Oderberg, Berlin, Trebbin und Saarmund abgelegten Rechnung, am 2. Januar 1433.

Wir Johans, von gots gnaden Marggraue zu Brandenburg etc., Bekennen offentlich mit dissem briefe fur allermenniglich, das vnser lieber getrewer heyne pful fur vnsern Renten vnd lieben getrewen Haffen von bredow ritter, Hern Johann Sommer vnd hencz tandorffer marschalk In rechnunge kommen ist vnd alles sein Innemen vnd aufgeben von dem Sonntag fur sant Johans Baptisten tage Anno etc. XXXII^o. bis auff den freitag nach des heiligen newen Jars tage Anno etc. XXXIII^o. mit sampt seiner alten schulde von seiner nehsten rechnunge fur dieser nach laute seins Rechenbriefs mit redlicher kuntlicher rechnung bewiset hat, Also das wir Im uber alles sein Innemen vnd aufgeben von der hawfzhaltunge zu Spandow, zu Oderfsberg, von Berlin, Trebin, Sarmund vnd auch von der Habern- vnd vihebete in der uker von der obgeschriben czeit mit sampt seiner alten schulde aller schulde schuldig bleiben sunffhundert vnd Sechs vnd dreissig schogk sunff vnde zwenczig groschen vnd Sibendehalten pfenning vnd sagen In darauff der obgeschriben rechnung nach Innehalt seiner Register quwydt, ledig vnd los in crafft dieses briefs. Auch ist zu uermercken, das die Summa geldes noch laute vnd Innehalt seines hauptbrieffs uber Oderfsberg in dusse rechnunge nicht gezogen noch gerechent ist. Zu urkunde mit vnserm auffgedrugten Insigel uersigelt vnd Geben zu Spandow, am freitage nach dem heiligen newen Jars tage, Anno domini etc. XXXIII^o.

Darauff hat man Im ein quitancz geben auff die landbete zur wriettzen an der oder.

Nach dem Copialbuche des Markgrafen Johann fol. 115.